

—Bota bostekuori,  
baitare besuak,  
ez arritu, gogotik  
iñuri malkuak

Orla, bai, zergatik gaur  
izango da, jauna,  
emen arkitzen geran  
azkeneko eguna.—

MARCELINO SOROA.



## DONOSTIKO NESKACHA GAZTIAK.

Donostiko neskachak  
Ditugu ikusten,  
Osoro apaindurik  
Nola diran jatzten:  
Ipurdi konkorrakin  
Dirade ibiltzen,  
Ez dute bada oyek  
Soldata asko artzen,  
¿Nondikan dute, beraz,  
Orrenbeste sortzen?

Iñoiz ikusten dira  
Neskacha gaztiak,  
Kameluaren gisa  
Konkorrez betiak;  
Ikustekuak dira

Oyen koloriak,  
Nayago dute kanpoz  
Egon dotoriak,  
Naiz arkitu barrendik  
Plakiyak botiak.

Eziñ fiyo liteke  
Orrelakoakiñ,  
Biar baño geiago  
Dabilkitenakiñ:  
Ni, beintzat, ikaratzen  
Naiz neskach oyekiñ,  
Nayago det mutill zar  
Gelditu beñepiñ,  
Eta ez deskuidatu  
Orlako batekiñ.

MUTILL-ZAR BATEK.

### SOMAKETEN ASKANTZAK:

VI.<sup>garrena</sup> BATASUNA.—VII.<sup>garrena</sup> IRUTASUNA.—VIII.<sup>garrena</sup> ZULOA.